

Na osnovu člana 8. i 15. Zakona o principima lokalne samouprave ("Službene novine Kantona Sarajevo" broj 49/06 i 51/09), člana 30. i 72. Statuta Općine Novi Grad Sarajevo ("Službene novine Kantona Sarajevo" broj 1/24) i člana 9. i 14. Odluke o organizaciji jedinstvenog općinskog organa uprave Općine Novi Grad Sarajevo („Službene novine Kantona Sarajevo”, broj 6/17), Strategije razvoja Općine Novi Grad Sarajevo 2021-2027. godina (Sl. Novine Kantona Sarajevo 26/23), Budžeta Općine Novi Grad Sarajevo za 2025. godinu ("Službene novine Kantona Sarajevo" broj 14/25) - ekonomski kod - 614300/GAA01 tekući transfer za informisanje, a shodno članu 5. Pravilnika o kriterijima i postupku implementacije budžetskih sredstava Općine Novi Grad Sarajevo – tekući transfer za informisanje broj 02/02-04-8137-1/25 od 21.04.2025. godine, putem Službe kabineta Općinskog načelnika, Općinski načelnik raspisuje:

JAVNI POZIV
za dodjelu finansijskih sredstava iz Budžeta Općine Novi Grad Sarajevo
za 2025. godinu za programe javnog informisanja putem
medijskih subjekata s područja Kantona Sarajevo

I – Predmet Javnog poziva

Predmet Javnog poziva je dodjela finansijskih sredstava iz Budžeta Općine Novi Grad Sarajevo za 2025.godinu u iznosu od 50.000,00 KM – ekonomski kod 614300/GAA01 tekući transfer za informisanje, namijenjenih za programe javnog informisanja, putem medijskih subjekata s područja Kantona Sarajevo koji pružaju audio - vizuelne medijske, pisane ili radijsko-medijske usluge.

II – Pravo učešća

Pravo na dodjelu finansijskih sredstava za programe javnog informisanja iz člana 1. ovog Pravilnika, imaju pravni subjekti koji obavljaju medijsku djelatnost, odnosno informišu javnost putem različitih medijskih servisa i platformi (novinskih agencija, radija, televizije, digitalnih platformi, portala i drugih elektronskih medija), registrovani za obavljanje navedene djelatnosti, a čiji su programski sadržaji dostupni široj javnosti. (u daljem tekstu aplikanti).

III Uslovi i kriteriji za dodjelu sredstava

- Opći uslovi koje aplikanti trebaju ispunjavati su:
 - a) da su registrovani i imaju sjedište na području Kantona Sarajevo,
 - b) da imaju izmirene zakonske obaveze po osnovu javnih prihoda, odnosno da uredno ispunjavaju obaveze plaćanja poreza i doprinosa,
 - c) da nisu korisnici budžetskih sredstava Općine Novi Grad Sarajevo po osnovu tekućeg transfera za podršku lokalnim medijima (LOKALNE TV).
 - d) da se protiv podnosioca prijave, odnosno lica ovlaštenog za zastupanje ne vodi krivični postupak i da nije pravosnažno osuđen za prekršaj ili počinjenje krivičnog djela,
 - e) da su opravdali sredstva dodjeljena od strane Općine Novi Grad Sarajevo za programe medijskog praćenja u protekloj godini kroz svoje programske i druge medijske sadržaje.

Kriteriji za dodjelu sredstava:

- Da dostave program kojim se utvrđuje način informisanja javnosti o radu i aktivnostima Općine Novi Grad Sarajevo sa obimom i strukturom programskih sadržaja.

- Relevantno iskustvo na praćenju programskih aktivnosti Općine Novi Grad Sarajevo (broj objavljenih radijskih televizijskih priloga, tekstova i drugih medijskih sadržaja).
- Inovativnost i kreativnost predloženog programa, osim dostavljenih saopćenja od strane Općine)
- Broj pratilaca, gledalaca, čitalaca i slušalaca navedenih medija.

IV – Odabir

Odabir korisnika u skladu sa raspoloživim sredstvima vrši Komisija za dodjelu sredstava za program javnog informisanja koju imenuje Općinski načelnik, prema utvrđenim kriterijima iz Javnog poziva i shodno odredbama Pravilnika o kriterijima i postupku implementacije budžetskih sredstava Općine Novi Grad Sarajevo - tekući transfer za informisanje.

Na osnovu dostavljene rang liste Komisije, Općinski načelnik donosi Zaključak kojim se prihvata lista korisnika finansijskih sredstava iz Budžeta Općine Novi Grad Sarajevo za 2025.

V- Dodjela sredstava

Sa korisnicima kojima su odobrena finansijska sredstva za programe javnog informisanja zaključit će se Sporazum o implementaciji odobrenih finansijskih sredstava, kojima se regulišu prava, obaveze i odgovornosti, te način pravljenja istih.

Pravljenje namjenskog utroška dodjeljenih finansijskih sredstava vrši se do kraja tekuće godine.

VI Potrebna dokumentacija

1. Aplikanti su dužni uz potpisanu prijavu na javni poziv priložiti originalne dokumente ili ovjerene kopije dokumenata ne starije od šest mjeseci, koji predstavljaju dokaz o ispunjavanju uslova javnog poziva kako slijedi:
 - a) Rješenje o registraciji,
 - b) Identifikacioni broj,
 - c) Uvjerenje o izmirenim obavezama plaćanja poreza i doprinosa, (original ili ovjerena kopija Porezne uprave ne starija od 30 dana od dana objave Javnog poziva),
 - d) Program javnog informisanja o aktivnostima Općine Novi Grad Sarajevo;
 - e) Izvještaj o opravdanim sredstvima za proteklu godinu, o praćenju aktivnosti Općine Novi Grad Sarajevo (uz naveden broj objavljenih tekstova, video, tv i radio priloga, te drugih medijskih sadržaja,
 - f) Izvještaj o broju pratilaca, gledalaca, čitalaca i slušalaca navedenih medija, sa dokazom o istom,
 - g) Izjavu da nisu korisnici budžetskih sredstava Općine Novi Grad Sarajevo po osnovu tekućeg transfera za podršku lokalnim medijima (LOKALNE TV).

VII – Ostale napomena

Izabrani aplikanti prije zaključenja Sporazuma dužni su dostaviti:

- a) Izvod od banke o otvorenom tekućem računu;
- b) Izjavu da u slučaju dodjele finansijskih sredstava nisu u sukobu interesa u smislu Zakona o sukobu interesa.
- f) Izjavu da se protiv podnosioca prijave, odnosno lica ovlaštenog za zastupanje ne vodi krivični postupak i da nije pravosnažno osuđen za počinjenje krivičnog djela.

Javni poziv ostaje otvoren 30 (trideset) dana od dana objavljivanja Javnog poziva u dnevnim novinama “Dnevni avaz” i na službenoj stranici Općine Novi Grad Sarajevo.

Prijave na javni poziv sa traženom dokumentacijom dostaviti ličeno na protokol Općine Novi Grad Sarajevo ili preporučenom poštom na adresu, ulica Bulevar Meše Selimovića br. 97 sa naznakom Prijava na javni poziv za dodjelu finansijskih sredstava iz Budžeta Općine Novi Grad Sarajevo za 2025. godinu za programe javnog informisanja.

Nepotpune i neblagovremene prijave neće se uzimati u razmatranje.

Dodatne informacije zainteresovana lica mogu dobiti u Službi kabineta Općinskog načelnika Općine Novi Grad Sarajevo, pozivom na broj telefona 033 291 313.

OPĆINSKI NAČELNIK

mr. Semir Efendić